

Onditz Euskal Herriratzeko kalejira eginen dute igandean Donostian

Oraindik ez dira hasi Martutene haurrentzat egokitze lanean

Mikel Jauregi / Donostia

Onditzen bila joan ziren atzo Martuteneko espetxera 'Onditz Euskal Irrira' ekimenekoak: kantuan eta alai, Olentzeroren laguntzarekin, eta opariak eta seaska

alboan zituztela. Baina «begiak malkotan» itzuli behar izan zuten, «orain zazpi hilabete Espetxe Erakundeetako ordezkariak agindutakoa bete ez» dela ikusi ostean. Onditzek bere ama Maitane Sagastume presoarekin Palentzian darrai.



AMAIA ZABALO

Olentzero lagun zutela, 'Onditz Euskal Irrira' ekimenekoak haurren bila joan ziren atzo Martuteneko espetxera.

MAIATZAREN 12an izan zuen, Donostian, Onditz semea Maitane Sagastume euskal preso politikoak. Baina Martuteneko espetxea haurrentzat behar bezala egokitua ez dagoela argudiatuta, handik hamar egunera Palentziako kartzelara eramanean zituzten ama-semeak. Geroztik han dira.

Onditz Euskal Irrira ekimenekoak lehen unetik izan zituzten harremanak Espetxe Erakundeetako ordezkariekin zein Gasteizko Gobernu-koekin. «Espetxe Erakunde-

takoek Martutene haurrentzat egokitze lanean hasiko zituztela agindu ziguten eta zazpi hilabetera prest egongo zela Onditz ekar zezaten. Gaur bila etorri gara, igandean bete baitzen epea, baina bertan ez dela esan digute eta oraindik egokitze lanetan ez direla. Pozik etorri gara, baina begiak malkotan ditugula goaz», azaldu zuten Onditz Euskal Irrira ekimenekoak espetxe atarian.

Amnesty International eta Unicef erakundeekin egon direla aurreratu zuten atzo:

«Gaia aztertu eta jarraituko dutela adierazi digute».

Onditz Euskal Herrira ekarri ez dutenez, eta ekimena osatzen duten 32 taldeak nahikoa ez direla hausnartuta, ekimenekoek «jauzia» ematea pentsatu dute. Hala, iganderako, 12:00etan, kalejira deitu dute Donostian: «Kaloretsua izango da, pailazo, mago, hankapalo eta guzti. Jendea moztarotuta etor dadila, alai. Gure aldarrikapena lau haizetara zabaldu nahi dugu, Onditz Euskal Herriratzeko lortuko baitugu».

Patxi Gil pasaitarra aske geratu zen atzo, 12 urteko espetxealdiaren ostean

Erredakzioa / Donostia

PATXI GIL preso pasaitarra atzo atera zen Basauriko espetxetik hamabi urteko kartzelaldiaren ostean. Patxi Gilek duela hiru urte bete zituen zigorraren hiru laurdenak, eta beraz, 1996tik kalean beharko luke egon, baina atzo arte ez zuten espetxetik atera.

Espetxean egin dituen hamabi urteetan Gilek Alcala, Carabanchel, Herrera de la Mancha, Ocaña II, Logro-

ño, Langraitz, Sevilla, Villabona eta Basauriko espetxeak ezagutu ditu. Gogoratu behar Basauriko espetxera joan den irailean ekarri zutela Barne Ministerioak iragarritako 105 presoen espetxe aldatetaren baitan. Amnistiaren Aldeko Batzordeak gogor salatu dute gertaera hori, izan ere, orduan «Barne Ministerioak ezkutu egin zuen Gilek 1996tik kalean beharko lukeela egon».

Patxi Gilek azaroaren 1ean Preso Politikoen Kolektiboak hasitako gose greban parte hartu zuen. Hala, Gil gose greban izan zen azaroaren 1etik 26ra, eta 40 kilo baino ez zituen pisatzen protestaldia utzi zuenean.

Patxi Gil 1987ko urriaren 23an atxilotu zuen Espainiako Poliziak, eta bost egun inkomunikatuta egon ostean, Entzutegi Nazionaleko epaileak Alcala espetxeratzeko agindu zuen.



MANUEL H. DE LEON / EFE

Jose Maria Aznar, Espainiako Kongresuko saio batean.

Aznar: «Gobernuak ez du utziko egungo legalitatea aldatzen»

■ Poza agertu du IUK Lizarrako Akordioa utzi duelako

Agentziak / Madril

JOSE MARIA AZNAR Espainiako presidenteak Euskal Herriko egoera politikoaz jardun zuen atzo Espainiako Kongresuko saioan, Felipe Alcaraz IUKo bozeramailearen galderei erantzunez. «Ordena konstituzionala eta Gernikako Estatutua mantentzeko balio dezakeen ezein ekimen jarriko du martxan Gobernuak bake prozesuak aurrera egin dezan». Sekula egingo ez duena ere argi asko utzi nahi izan zuen: «Zorroan sartuta, zorrotik kanpo edota tiroka ari direla ere, inoiz ez dugu pistolen txantaia-aren aurrean amore emanen». Baina areago ere joan zen: «Gobernuak ez du utziko egungo legalitate demokratikoa beste ezein egoerarengatik aldatzen».

«Guztiekin» ahalik eta adostasun handiena bilatuko dutela baieztatu zuen. Baina adostasun horretan, «ezin du egon erdibiderik zuzenbidezko estatuaren eta krimenaren artean, botoen indarraren eta kale indarkeriaren artean, Konstituzioaren eta soberanismoa deitzen dioten horren artean». Espainiako presidenteak adierazi zuenez, Euskal Herrian ez dago legeria edo marko juridiko-instituzional desegoki baten arazorik, «gizartearen parte bat kikiltzen duen izuikara arazo bat baino».

IUK Lizarra-Garaziko Akordioa uzteko hartutako erabakiarekin pozik agertu zen, «indarkeria babestu eta bakearen, elkarbizitzaren eta askatasunaren aurka dauden helburuak betetzeko baita», gehitu zuen.

Deklaratzeari ekin diote biktimen batzordean

■ Murureta eta Fernandezek sendien txanda izan zen

Agentziak / Gasteiz

BIOLENTZIAK eragindako biktimen guztien egoera jorratzeko Gasteizko Legebiltzarrean erabakitako lan taldean deklaratzeko hasi ziren atzo. Josu Murueta eta Anton Fernandezek sendien deklaratu zuten atzokoan. Murueta eta Fernandezek Estatuko Segurtasun Indarrek hil zituzten 1969. urtean, Erandion kutsaduraren aurka izan zen manifestaldi batean. Senideen izenean, Miguel Angel Etxebarriak esan zuen senideek «erantzun egoki bat» espero dutela agintarien aldetik.

Deklarazioak egiteko hiru

txanda antolatu ditu EAJk, EAK, EHk eta IUK osatzen duten lan taldeak. Lehenean deklaratzeko dute Estatuko Segurtasun hildako edo zauritutakoen ordezkariak. Gero, ETArekin biktimen txanda izango da, eta, azkenik ez batean eta ez bestean sailkatzen ez direnak.

IUK eskatu du Biktimen Legean sartzea Segurtasun Indarrek eragindako biktimak. «Legearen aurrean guztiok berdina gaitza erabazteko ordua da», adierazi zuen Koldo Usin IUKo legebiltzarkideak proposamena aurkeztu zuenean. Kongresuan ere proposamen bera aurkeztu du IUK.